

Na osnovu člana 19. stav (2) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06) i tačke 10. stav (10) Programa utroška sredstava namijenjenih za finansiranje razvojnih projekata u Federaciji Bosne i Hercegovine za privatna preduzeća iz oblasti namjenske industrije ("Službene novine Federacije BiH", br. 23/18 i 84/18), Vlada Federacije Bosne i Hercegovine na 166. sjednici, održanoj 12.12.2018. godine, donosi

ODLUKU

O IZBORU KORISNIKA GRANT SREDSTAVA UTVRĐENIH U RAZDJELU 17. BUDŽETA FEDERACIJE BOSNE I HERCEGOVINE ZA 2018. GODINU FEDERALNOM MINISTARSTVU ENERGIJE, RUDARSTVA I INDUSTRIJE „KAPITALNI TRANSFERI PRIVATNIM PREDUZEĆIMA I PODUZETNICIMA – FINANSIRANJE RAZVOJNIH PROJEKATA U FEDERACIJI BOSNE I HERCEGOVINE ZA PRIVATNA PREDUZEĆA IZ OBLASTI NAMJENSKE INDUSTRIJE“

I.

Iz Budžeta Federacije Bosne i Hercegovine za 2018. godinu („Službene novine Federacije BiH“, br. 5/18 i 44/18), u skladu sa Odlukom o usvajanju Programa utroška sredstava namijenjenih za finansiranje razvojnih projekata u Federaciji Bosne i Hercegovine za privatna preduzeća iz oblasti namjenske industrije („Službene novine Federacije BiH“, br. 23/18 i 84/18), utvrđuje se raspodjela sredstava „Kapitalni transferi privatnim preduzećima i poduzetnicima – Finansiranje razvojnih projekata u Federaciji Bosne i Hercegovine za privatna preduzeća iz oblasti namjenske industrije“ Federalnog ministarstva energije, rudarstva i industrije za 2018. godinu u ukupnom iznosu od 1.000.000,00 KM prema odobrenim zahtjevima, za finansiranje razvojnih projekata privrednih društava iz oblasti namjenske industrije, kako slijedi:

- Privrednom društvu AC UNITY d.o.o. Goražde, Industrijska zona bb Goražde, iz sektora namjenske industrije, odobrava se dodjela dijela sredstava iz tačke I ove odluke u ukupnom iznosu od 450.000,00 KM za sufinansiranje nabavke mašine - petoosni vanserijski stroj Okuma Vertikalni Obradni Centar MU -5000V, za razvoj serijske proizvodnje BOLTA i BOLT CARIERA, odnosno za razvoj najsloženijih unutrašnjih dijelova jurišnih pušaka,
- Privrednom društvu Pobjeda – RUDET d.d. Goražde, Višegradska bb Goražde, iz sektora namjenske industrije, odobrava se dodjela dijela sredstava iz tačke I ove odluke u ukupnom iznosu od 177.000,00 KM za sufinansiranje programa proširenja kapaciteta za proizvodnju neelektričnih detonatora (adaptacija građevinskog objekta uz obezbjeđenje adekvatne infrastrukture, izgradnja novog magacinskog prostora za skladištenje repromaterijala za proizvodnju inicirajuće cjevčice, koturova za namotavanje inicirajuće cjevčice koja je sastavni dio neelektričnog detonatora, za opremu i za obrtna sredstva, uređaj za odmjeravanje inicirajuće vrpce sa kontrolom debljine, stezna glava, ultrazvučna varilica, mašina za sječenje i presovanje usporača

i sušnicu pentrita u EX izvedbi, oprema nove trafostanice i obrtna sredstva (sirovine i materijal, nedovršena proizvodnja i poluproizvodi, gotovi proizvodi i kupci),

- Privrednom društvu POBJEDA – TECHNOLOGY d.d. Goražde, Višegradska bb Goražde, iz sektora namjenske industrije, odobrava se dodjela dijela sredstava iz tačke I ove odluke u ukupnom iznosu od 373.000,00 KM za sufinansiranje nabavke nove opreme (mašina za kraćenje čahure 2 komada, mašina za vizuelnu kontrolu 1 komad, mašina za lakovanje 1 komad i mašina za frezovanje 2 komada).

II.

Sredstva iz tačke I. ove odluke isplatit će se iz sredstava Federalnog ministarstva energije, rudarstva i industrije utvrđenih u razdjelu 17. Budžeta Federacije Bosne i Hercegovine za 2018. godinu, ekonomski kod 6155 - „Kapitalni transferi privatnim preduzećima i poduzetnicima-Finansiranje razvojnih projekata u Federaciji Bosne i Hercegovine za privatna preduzeća iz oblasti namjenske industrije“.

III.

Federalno ministarstvo energije, rudarstva i industrije će sa korisnicima grant sredstava sklopiti ugovore o realizaciji dodijeljenih grant sredstava, sa definisanim pravima i obavezama ugovornih strana.

IV.

Korisnici sredstava iz tačke I. ove odluke dužni su dostaviti Federalnom ministarstvu energije, rudarstva i industrije izvještaje i materijalne dokaze o utrošenim budžetskim sredstvima.

V.

Za realizaciju ove odluke zadužuju se Federalno ministarstvo energije, rudarstva i industrije i Federalno ministarstvo finansija - Federalno ministarstvo financija, svako u okviru svoje nadležnosti.

VI.

Ova odluka stupa na snagu narednog dana od dana objavljivanja u "Službenim novinama Federacije BiH".

V. broj: 1438/2018
12.12.2018. godine
Sarajevo



PREMIJER

Fadil Novalić